

SCRIPT OF MORNING GOJRI NEWS BULLETIN 17 JULY 1015 HRS

ما رنینگ گو جری نیوز بلیٹن مو رخہ 17 جولائی 2025

یوہ آکا شوانی جموں بے عبدل رحمان تیں خبر سُنو۔

LG SEMINAR

لیفٹیننٹ گورنر منوج سنہا نے کہیو ہے کہ پہلگام دہشت گرد حملہ غے پچھے جہیڑا لوک تہا اُن غی شناخت ہو چکی ہے تے قومی تحقیقاتی ایجنسی غی تحقیقات یقینی بناوے غی کہ ان مجرماں گو وی انجام وہی وے غو۔ جہیڑا دیگر برا دہشت گرد کمانڈراں غو ہوو بے لیفٹیننٹ گورنر نے مزید کہیو کہ دہشت گردی پاکستان غا ڈی این اے مانہ بے تے وہ اس ناہ مسلسل پھیلا رہیو ہے یاہ گل اُنہاں نے نوی دہلی مانہ گاندھی سمرتی غی جانب تیں منعقد لیکچر سیریز غے تحت جموں کشمیر گا امن غی طرف سفر غا عنوان تیں سیمینار مانہ خطاب کرتا واں کہی۔ اپنا کلیدی خطاب مانہ لیفٹیننٹ گورنر نے مہاتما گاندھی تے جموں کشمیر غے درمیان گہرہ تے جذباتی تعلق ناہہ اُجاگر کیو۔ اس موقعور لیفٹیننٹ گورنر نے نوا قائم ہون آلا گاندھی سمرتی آرٹ گیلری غو افتتاح وی کیو۔

CM IIT

وزیر اعلیٰ عمر عبداللہ نیکل انڈین انسٹی چیوٹ آف ٹیکنالوجی جموں مانہ منعقدہ گرمائی سکول 2025 غی افتتاحی تقریب غی صدارت کی یوہ گرمائی سکول ایک مہینہ ور مشتمل پروگرام تھو جس مانہ ملک پھر تیں ہزاراں طالب علماں نے شرکت کی تقریب سنگ خطاب کرتا واں وزیر اعلیٰ عمر عبداللہ نے آئی آئی ٹی جموں ناہہ صلاحیتاں غو مرکز قرار دتو تے اس قسم غا اقدامات غی اہمیت ور زور دتو جہیڑہ خاص طورور جموں کشمیر غا نوجواناں ناہہ موقع فراہم کریں اُنہاں نے کہی و جے اس طرح گا پروگرام نوجواناں ناہہ وسیع پیمانہ ور شراکت غی تر غیب دیں تے طالب علماں ناہہ اپنا خیالات ناہہ عملی جامو پہنان غو موقع فراہم کریں وزیر اعلیٰ نے دسیو کہ جموں کشمیر حکومت آئی آئی ٹی جموں سنگ بکھ بکھ شعبہ جات جس طرح کہ آبی تحفظ موسمیاتی تبدیلی سنگ مطابق صنعتی ترقی تے کاروباری آغاز کاری مانہ اشتراک غا امکانات غو جائیزو لے رہی بے۔

CM STATUE

وزیر اعلیٰ عمر عبداللہ نے کل لڑکاں غا گورنمنٹ ہائر سکینڈری سکول گا ندھی نگر جموں مانہ مرحول پرنسپل کلدیپ کمار بڈیال غا مجسمہ غی نقاب کشانی کییاہ تقریب اُس شہید اُستاد معلم ناہہ خراج عقیدت پیش کرن واسطے منعقد کی گئی جنہاں نے اپنا فرائض غی انجام دیہی غیدوران جام شہادت نوش کیو اس پَر وقار تقریب مانہ طلباء عوام مَزَین سرکاری افسراں ممبراں اسمبلی تے اُستازہ نے شرکت کی وزیر اعلیٰ نے اس موقع ور کہیو جے پرنسپل بڈیال غی قربانی ہمیشہ طالب علماں تے معاشرہ واسطے ایک رہنما روشنی رہ گی اُنہاں نے یوہ وی اعلان کی وجے سکول ناہہ آنجہانی پرنسپل غیباد مانہ اُن غا ناں سنگ منسوب کی وجے غو تانجے اپن غی یاد ہمیشہ قائم رہ۔

AMARNATH YATRA

شری امرناتھ جی یاترا جھپڑی کہ بالتال تے پہلگام غا دواں رستاں تیں جاری ہے اج شدید بارش پینگی وجہ تیں عارضی طور ور روک دتی گئی ہے تے جموں بھگوتی نگر بنیادی کیمپ تیں اج یاتریاں غو جتھو سرینگر جان تیں روک دتو گیو ہے۔

LEGISLATURE RANA

ممبران اسمبلی مبارک گل پون کمار گپتا پیارے لال شرما کل وزیر برائے جل شکتی جنگلات ماحولیات تیقبانلی امور جاوید احمد رانا سنگ سول سیکٹریٹ جموں مانہ ملاقات کی انہاں نے عوامی پہلانی بہتری غے متعلق اہم معاملات ور بات چیت کی جھپڑہ کہ محکمہ جنگلات قبائلی امور تے عوامی صحت عامہ پی ایچ ای انجنئرنگ غے، متعلق تھا ملاقات غے دوران ممبران اسمبلی نے اپنا اسمبلی حلقاں غے متعلق اہم مسائل تے تجاویز پیش کیں وزیر موصوف جاوید احمد رانا نے اُن غی گلاں نانہ غو ر سنگ سنیو تے متعلقہ عہدے داران نانہ فوری تے موثر کاروائی غی ہدایت دتی وزیر موصوف نے اہم عوامی مسائل نانہ اُجاگر کرن واسطے ممبران اسمبلی غی کاوشاں نانہ سہرايو۔

CS KILLING CONF

جموں کشمیر غا پینر مندی غا نظام نانہ تبدیل کرن غا مقصد سنگ شیر کشمیر بین العقوامی کنو کیشن مرکز سرینگر مانہ ایک تاریخی دو روزہ کانفرنس کل شروع ہوئی ہے کانفرنس غو مقصد ایک مضبوط طلب ور مبنی پینر مندی غو نظام تیار کرنو ہے جس واسطے تبادلہ خیال آلا اجلاس مشاورت تے اشتراک مباحثاں نانہ فروغ دتو جاریو ہے کانفرنس غے دوران شرکاء قیمتی تجاویز پالیسی مشورو دینگا تانجے جموں کشمیر واسطے ایک مستقبل سنگ ہم آہنگ جامو تے صنعتی ضروریات سنگ مربوط ہتر مندی غو نقش راہ تیار کیو جاسکے اپنا کلیدی خطاب مانہ چیف سیکرٹری نے اس گل ورزور دتو جت ہتر مندی غا نظام صنعت غی اُبھرتی وی ضروریات سنگ ہم آہنگ کرنو ضروری ہے انہاں نے ترجیحات ور لو کہلتاں واں صنعت تے تعلیمی اداراں غے بشکار اشتراق ور زور دتو۔

DG BORDER AREAS

ڈائریکٹر جنرل پولیس نلین پرہات نے کل کنٹرول لائن سنگ جڑیا اگلہ علاقہ گو دورو کی وتانجے آبی بڈھا امرناتھ یاترہ جاری شری امرناتھ ہی یاترہ تے اُن آلا گو جائیزو لیو جاسکے اُنغے ہمراہ آئی جی پی جموں زون بھیم سین توتی آئی جی پی سی آر پی ایف جموں گوپال ک راؤ تے دوجا سننیر بچہ منڈ گو دورو کیو جت انہاں نے کمانڈنگ افسر تے نائنات ہٹالین اگ افسران سنگ ملاقات کی انہاں نے زمینی صورتحال غو جائیزو لیو تے ہائی الرٹ رہن بہتر ہم آہنگی تے مضبوط حفاظتی اقدامات ور زور دتو تانجے یاترہ تے قومی تقریبات نانہ محفوظ تے خوش اسلوبی سنگانجام دتو جاسکے۔

SCHOOLS REOPEN

جموں خطہ غا سکول خوشگوار گرمیاں غی چھٹیاں تیں بعد اج دوبارہ کھل گیا ہیں تے طالب علماں حی کلاس رومز مانہ خوشی خوشی واپسی دیکھن نانہ لبیں نواں تعلیمی سال غی یاہ شروعات کافی جوش و خروش سنگ ہوئی جت بچہ اپنا اساتذہ تے دوستس سنگ

خوشی خوشی ملتا دیکھا گیا سکولان نے طلباء غو خیر مقدم خصوصی پروگراماں اسمبلیز
تے حوصلہ افزاء اجلاساں غے ذریعے کیو تانجے وے تعلیمی معمول مانہہ آسانی سنگ
واپس آسکیں ضلعی تعلیمی عہد یداراں نے سکولان نانہہ محفوظ صاف ستھرو تے ماسب
ٹھانچہ غے سنگ دوبارہ کھولن واسطے تمام تیاریں مکمل کرلیں تھی جن مانہہ صفائی
مناسب تشستاں غو بندوبست تے
دوجی ضروری سہولیات شامل تھیں۔
